

(قطر الوجع)

طولت يا قطر الوجع في الدوسة

وأنا غريب في الدنيا

خطاويا ماهياش مدروسة

من كام سنة مستحمة

قطر الأموات

الموت ما هو نفس مقطوع

الموت قلب موجوع

وعيون مليانة دموع

وأقولك عن الوجع

لما الدنيا تضلم

وينطفي ضي الشموع

مستنية محطة أطيب بيها علتني

ومين يديني قوة

أكمل بيها دنيتي
أصل الوجع وحش
من جوايا
بيقطع الي فاضل مني
وحبل الفرخ مسروق
وعتمة الليل تزق شمعتي
ودموع في بحر مفيهوش
مركب ولا شرع
والاحساس أندفن
من غير كفن
والتوهة طفل صغير
على أمه بيدور
ملعون يا وجع
يا ريتني كنت أعرف
أقرا الودع
يمكن ساعتها

كنت أسافر في
دنيا فيها حد جدع
يشيلني وقت ما أقع
علماً بأني بحب دنيتي
وأغرد التغاريد
وأطير لكن جناحي خاني
وسابني وحدي بدنيتي
ملعون يا وجع
ياريت تنساني تهجريني
وتروح لحد ثاني
حد يقدر يغلبك
وسيبني أعيش
دنيتي